



# USKEDALSPOSTEN

Jula 2012

8. årgang

Laussal kr. 50,-



## God Jul



Julefering i ulike land  
Side 24-27



Uskedelingen som har hatt  
verda som arbeidsplass.  
Side 10-13



Julenamme  
Side 6-8, 14-20



Lutefisk og lutefisksongen  
Side 30-32

Flott julenummer av Uskedalsposten.

**Julenummeret av den populære Uskedalsposten har alt lege ute for salg ei veker tid, og mange har nok alt sikra seg det kjærkomne bladet. Også denne gangen presenterer redaksjonen 44 sider med tiltalende, kjekt og godt julestoff, og utflytta uskedelingar vil utvilsamt bli glad om dette julenummeret vert med i julepakkane.**

Det er ungdommane i Hobbyklubben i Bedehuset som står bak utgivinga av Uskedalsposten. Denne gangen er det Andrea Hjelmeland, Caroline Kjerpeset og Amalie H. Rød som utgjør den ungdommelege trio i redaksjonen. Alle tre gjer ein flott jobb og presenterer mykje interessant stoff. I tillegg får dei god hjelp av dei tre leiarane Tore og Britt T. Mathiesen og Ola Matti Mathisen samt andre meir garva skribentar!



#### [Interessant om jul i andre land](#)

Som sagt er det mykje interessant julestoff. Eg syns det var ekstra intressant å lese om juletradisjonar i andre land som dei tre ungdommane så flott presenterer. Dette gjer dei gjennom intervju med med Saule, Jonas og Daimante frå Litauen og Valentina frå Italia. Interessant å bli kjent med våre nye landsmenn gjennom slike presentasjonar. Det er etter kvart blitt mange innbyggjarar av mange ulike nasjonalitetar som har flytta til Uskedalen. Det slår meg at det er ei kjelde til mykje og spennande stoff i framtidige nummer av Uskedalsposten.

Særdeles interessant er det og å lesa om ein utflytt uskedeling. Mari Anne Feet som voks opp her i bygda, har opplevd mykje når ho har budd rundt i verda. Gjennom 4 sider får vi ta del i noko av dette, presentert gjennom Ola Matti Mathisen sin gode penn. Svært interessant og kjekt!! Også blant utflytte uskedelingar er det opplagt ei god stoffkjelde.

Elles er julenummer fylt med stoff om gode juleminne og juletradisjonar. Det er eit godt julehefte, og blir heilt sikkert populært både i førjulstida og i sjølve julehelga.

Av: Thor Inge Døssland.



Svært interessant om Mari Anne Feet.